

# Frankeringsmaskinat

POST Greenlandip Niuernermi piumasaqaatai 1. januar 2013-imeersut

## 1. Frankeringsmaskinanik atuisinnaanermut akuerineqarneq

Atuisup frankeringsmaskinanik atuilernissaanut TELE-POST atuisinnaanermut akuersissummik tunniussissaaq. Frankeringsmaskinanik atuisussat akuersissummik pissarsiniarunik ukiumut minnerpaamik 10.000 koruunit nalinginut atuisarsimassapput. Frankeringsmaskinat TELE-POST-imit akuerisat kisimik atorneqarsinnaapput. Frankeringsmaskina nioqquteqartumit najukkami TELE-POST Centerimut toqqaannartumik nassiunneqassaaq, atorneqalinnginnerminilu aningaasanut kisitsissutaa tassani atuarneqarallassaaq. Frankeringsmaskinanik pisaarnermut atasumik aningaasartuutit atuisup tamaasa akiligassarai. Nalinganik naqitsissutaa, ulluanut naqitsissutaa maskinamullu matuersaat TELE-POST-ip pigisarai, frankeringsmaskina atuisup akiligarigaluarpaguluunniit. Frankeringsmaskinanik atuinissamut akuersissut utertinneqarsinnaavoq maskinanik atornerluisoqarsimappat, naammagintumik atorsinnaassuseqanngippat ajoqutigisaalu aqqinneqanngippat, frimærkilersukkanut akiliinissamut killigitaasut eqqortinneqanngippata, maskina akuttunngitsunik atorneqarneq ajorpat imaluunniit atuneq ukiup ilivitsup iluani 10.000-it inorlugit naleqarsimappat. Frankeringsmaskinap atornerata kingunerisaa-nik TELE-POST sumilluunniit annaasaqartinneqarpat ajoqusigaappalluunniit atuisoq tama-tumunnga akisussaasuvoq. Nalinginnaasuvoq maskina atuisup nammineq allagaanuinaq atugassaana. Allap nassiussassaanut maskina atorneqarsimappat, TELE-POST Centeri ilisimatinneqartussaavoq. Atuisup maskinanik atukkiussinini akisussaaffigaa.

## 2. Naqitsissummik naqitat

Naqitsissummik naqinneqartut ersarissuussapput. Nassiussat ersernerluttumik naqis-susikkat nassiunneqarsinnaanngillat. Maskinap naqitsissutaa qalipaataa nioqquteqar-tumit akuerineqarsimassuussaaq. Allakkat puuini, immersugassani aammalu nipitittak-kani nipitartulerikkani eqqunngitsumik naqitsissummik naqitsinerit allakkerivimmit taarsiivigineqarsinnaapput. Aningaasat uterteqqusat 5%-ii ilanngaatigineqartarput. Taarsiivigineqarnissamik qinnuteqaat qaammatikkaartumik TELE-POST Centerimut nas-siunneqartarpoq immersugassaq „Fejlfranking på frankeringsmaskine“ atorlugu allakkap puui pineqartut ilanngullugit. Immersugassaq TELE-POST Centerimi pineqarsinnaavoq. Naqitsissummik naqitanut taarsiisoqarneq ajorpoq nalinganik naqinnera ulluanilluunniit naqinnera atuarneqarsinnaanngikkaangat, allakkap puuata nassiunneranut nalinganik/ ullormik naqinnera alinneqarsimappat/qiorneqarsimappat, ullup naqinnera amigaataa-gaangat imaluunniit ullup naqinnera qaammammik kingullermik pisoqaanerugaangat.

## 3. Nassiussassanik tunniussineq

Nassiunneqartussat najukkami TELE-POST Centerimut tunniunneqartussaasarput. Allakkat allakkanut nakkartitsivimmut ikineqartut, tasisartumik qilertanngortiterneqarsimassapput. Nassiunneqartussat tunniunneqarnerminni naqinneqarsimassapput ullormik eqqortumik.

## 4. Maskinanik iluarsaaneq

Maskina ajoquteqalerpat, atuisoq pisussaavoq engerluni atorneqarsinnaajunnaarsinnis-saanut. Maskinap kisitsissutaa parnaarusernera nioqquteqartumit aqqissuisartumil-luunniit akuerisamit taamaallaat kipineqarsinnaavoq. Maskina aqqissuutsinneqassappat, kisitsissutaa TELE-POST Centerip atuarallassavaa nioqquteqartumut nassiunneqannginne-rani. Maskina aqqissuunneqareeraangat atoqqilinninnerani kisitsissutaa TELE-POST Centeri aamma atuaaqaarallassaaq. Atuisup maskina aqqissuunneqarnissaanut nammi-neq akilikkaminik nassiutissavaa.

## 5. Frimærkilersuineramik akiliineq

TELE-POST-ip akiligassap akiligassanngortinneqarneraniit kingusinnerpaamik ullut 30-t qaangiunneranni akilerneqartussaq qaammatikkaartumik akiligassaq á conto nassiut-tassavaa. Akiligassaq qaammatit tamaasa aallartinneranni nassiunneqartassaaq. Allaffissornermut akiliut, [www.post.gl](http://www.post.gl) -imi Akit allattorsimaffiat naapertorlugu angissu-silik, ilanngunneqartarpoq. Akiliutit taassuma matussuserarpai ukiumut marloriarluni misissuuartornernut aningaasartuutit kiisalu kisitsissutaa atainerit misissoriartoqqinneri fakturaliornerillu. Á conto faktura akilerneqanngikkaangat akiligassamik eqqaasitsissut siulleeq nassiunneqartarpoq. Akiligassamik eqqaasitsissutit siullup nassiunneqarnerata kingorna akiligassaq akilerneqanngikkaangat, akiligassamik eqqaasitsissutit aappaa

nassiunneqartarpoq. Akiligassamik eqqaasitsissutit marluusut tamarmik eqqaasitsissu-taanerminnut [www.post.gl](http://www.post.gl) -imi Akit allattorsimaffiat naapertorlugu angissusilimmik ilaneqartarput. Qaammatit naanerani aningaasanut kisitsissutaa takutitai TELE-POST Centerimit tunniunneqartumut allattuivissamut allattorneqassapput. Allattuinermut tas-sunga pissutaavoq atuisup frimærkilersuinerminut atainerminik malinnaavinninnissaa á conto-mik akiliummik aqqiiviginninnermut aammalu nalinginnarmiit annertunerusumik atuiavallaarnerup paasinissaanut atorneqarsinnaammat.

## 6. Atuisunngornermut akiliut

Nutaamik atuisunngortumik maskinamilluunniit nutaamik pisaarnermi nalunarutiginnin-nermi atuisunngornermut akiliut akilerneqassaaq, takuuk [www.post.gl](http://www.post.gl) -imi Akit allattor-simaffiat.

## 7. Frankeringsmaskinanik misissueqqittarneq

TELE-POST Centeri ukiumut marloriarluni - uge 12-imi uge 38-milu - frankeringsmaskina-mik misissueqqittarpoq. Misissueqqinnerup siunertaraa, maskinap kisitsisit takutitavii naapertorlugit akiligassiumalluni kisitsissutit takutitaanik misissuineq á conto-millu aki-ligassanngortussamik naatsorsuinissaaq. Maskinap aqqissuussisartumit misissorneqarnis-saa piumasarineqassappat, taamatut piumasaqarneq atuisup malittussaavaa.

## 8. Frankeringsmaskinanik ammaaqqinneq

Atuisoq akiliinissamik eqqaasitsissutitigut siullikkut aappaatigullu á conto fakturamik aki-liisimannngippat frankeringsmaskina matuneqassaaq. Nassiussassat nalinganik naqitsissut savimineq ullormillu naqitsissut peerneqassapput. Tamanna ajorparpat, frankeringsmaski-na TELE-POST Centerimi tigummineqartussatut nassarneqassaaq. Frankeringsmaskinap ammaaqqinneqarnissaa atuisup kissaatigippagu, ammaaqqinneranut akiliut akilerneqaq-qaassaaq, takuuk [www.post.gl](http://www.post.gl) -imi Akit allattorsimaffiat.

## 9. Frankeringsmaskinanik matusivinneq

Ukiuni kingullerni pingasuni atuisut sisamariarlutik, taakkunannga qaammatini kingullerni aqqaneq marlunni ataasiarlutik, inkasso-kkoortitaasimasut, frankeringsmaskinanik atui-nissamut mattunneqavissapput.

## 10. Frankeringsmaskinanik atuiunnaarnermik nalunaarneq

Maskinanik taarsisoqarpat, atuiunnaartoqarpat atorunnaarsitsisoqarpalluunniit, TELE-POST Centeri tamatumunnga ilisimatinneqassaaq. Nalinganik ullormillu naqitsissutaa maskinamii atuisumiit peerneqassaaq TELE-POST Centerimullu tunniunneqassalluni. Nalinganik ullormillu naqitsissutaa atuisup maskinamii peersinnaanngippagu, maskina TELE-POST-imit pigisassanngortinneqassaaq.